

**XAPA NĪ'ARI MĪRAYEXEIIYA KE PAĪ MĪTIYUPIINI MEMĪTIHĀWARIENI TEXAXATAAMETE
DISTRITALES METĀ MUNICIPALES 'IITSĪKĀTE WAHĀWARIKATSĪE YĪXIYA 2023–2024 WIITAARI**

Kapiituru xewī

Naitī tiita mītiyuku'īwawa

'Aritikuru 1

'Iikī xapa nī'ari mīrayexeiiya ke paī mītiyupiini kiekāripatsie mieme kanihīkītīni, kiekātaari wa'īhiwiyarika metā tsiere mekani'aitīarieka Kariitsiku 'etsitaaruyari, 'iikī xapatsie mīrayemie yamekatenikakīnikuni ke paī mīreyutsuutīaka metā ke paī mīreyukuhanani ke 'āne kiekātaari memīyuti'uitīani texaxataamete distritales tsiere municipales 'iitsīkāte wahāwiyatsie memītetaparewieni 'iikī makamietsie 'iitsīkāte wahāwarikatsīe yīxiya 2023–2024 wiitaari 'eena Kariitsiku 'etsitaayuyaritsie.

'Aritikuru 2

Tinaitī mīraye'atīariwanikī tiita mīreyewetsé yaxeikīa tsiere parekumekī yunaime kiekātaari memanuyewawieni ke me 'ānenetī teitēri 'aixī memītexeiyarieka memakīnekī texaxataamete distritales 'iitsīkāte wahāwiyatsie metā texaxataamete municipales 'iitsīkāte wahāwiyatsie, 'iikī waikāwa 'inīarika kanayemieni naime kanaye'atīariemīkī.

- I. Xapa 'inierīka
- II. Memīti'utīarieni ke me 'ānenetī teitēri memīyuti'uitīani
- III. Xapate nī'ariya mīyukuxeīrieni metā manunī'arieni Naimetsīe Tixaxataame (Consejo General) hetsīa, ya tīni Tixaxataame Distritales wahetsīa;
- IV. Naitī xapate nī'ariya mekanitixeyakuni Naimetsīe Tixaxataame memītetewa, ya tīni tsiere Texaxataamete Distritales (Consejos Distritales) mekanitixeyakuni xapate.
- V. Xapa yu xewītī mīyutawewieni ke 'āne teitēri temīwareuyehīwā metā tsiere yunaime memīwati xeiya.
- VI. Teitēri ke memītati 'uuximayatarīme temīwareukaxeiiya metā tsiere memīti 'iwawiyarieni ke meteu 'uuximayata.
- VII. Teitēri naime memītaye'atīa metā ke me 'ānenetī memuta naki'eriwaxī.

Kapiituru huuta

Teitēri memīyuti'uitīani wahepaitsita mieme

'Aritikuru 3

Ke me 'ānenetī teitēri memīyuti'uitīani memakīnekī Texaxataamete Distritales 'iitsīkāte wahāwiyatsie ya tīni texaxataamete municipales 'iitsīkāte wahāwiyatsie, 'iikī makamietsie



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.



33 4445 8450

www.iepcjalisco.org.mx

'iitsikáte wahíawarikatsíe yixiya 2023–2024 wiitaari, mekaniyuti 'utíakuni 'iikí xapa 'inieríka ke paíka tukaari mutipiiní.

Xapate hetsiena teitéri memiyuti'utíani ke 'áne memuyuti'uitíani memakínekí Texaxataamete distritales 'iitsikáte wahíawiyatsie ya tìni texaxataamete municipales 'iitsikáte wahíawiyatsie kanayehukumíkí tepíatsie, maana Internet hetsie pekaneutahamíkí www.iepcjalisco.org.mx maana katinayehukumíkí xapate 'eena míraka'uxa:

- I. Xapa hetsiena tewí yu'iníníatame mayuka'utíani.
- II. Xapa hetsiena míraka 'úre tewí ke míraku maaté.
- III. Xapa hetsiena míraka 'úre tewí ke mírati 'uuximayataríme.
- IV. 'Ítíaarika heekíta pemitawewieni kename yuri pe'u taine naime pemíraka 'utíwa xapatetsie, maana yapemítayíni kename ni hawai pekahetaxanetsiewe metá kename ni hawai nanaimárika pekahewewiwe, ya tìni ya pemitayíni xíka heiwa peheta xanetsieni neenití'anemekí paí pekara'eriwatí; Hekíta xíka ni hawai pekaheta xanetsieweni 'ukári pewarenanaimakaku wapewareukahíati; Yatíni ni hawai perarapika tírírí wa'ikwai pewawiyarietí, ya xíka paí pe'aku'áneni, xapate pekaniyetuamíkí kename 'aku petiyuyetuaxime; Tsiere tewi tiparewiwame pekayíanetí metá hekwamekí pekayeiwetí, tsikere haika wiitaari 'anuyeyayu ke ri; Tsiere ni heiwamie pekayutakewetí tewi tiparewiwame pemayanikí; Yaxeikíta tsiere hekwamekí 'iitsikame pekayeiwetí munitsipiyutsie ya tìni 'etsitaayuyaritsie, tsikere haika wiitaari 'anuyeyayu ke ri, 'imatírieka paí mayetaine kename tsepa hakewa 'iitsikáme kiita pemítíuta 'uuximayata peyíwe.
- V. 'Útíarika pemitawewieni kename yapera'eriwa metá kename hu pehaine.
- VI. 'Útíarika tewí yu hetsie mieme ke maku'áne
- VII. 'Útíarika kename 'axapate heitserie petiyetua.
- VIII. 'Axapate 'awiekamekí kaniyukumaíwmíkí

'Aritikuru 4

Teitéri yu'uitíwaaméte yuxapa niutíwame metá tsiere naime xapate muyuku'iwawa mekaniyetuakuni waanapaití Sistema Estatal de Registro para Consejeras y Consejeros Distritales y Municipales¹, 'iikí parekumekí 'utíarika muyuwewienikí xapa tí'íkitaame kaniyuyetuaka, míkí xapa kanayemiekamíkí Internet tsie 'iikí 'iitsikáme pinieyatsie.

'Aritikuru 5

¹ 'Eena mítíeyani Sistema xeikía pítíuyuteríwani



Xíka ri teítéri me'uyuti'utiani, yareutewikaku 'útiarika wahetsia kaniye'amíki paí 'ayetaiti kename ri 'litsikáte hāwiyari Kiyari waxapate 'anuhuri; 'iiki naiti xapate mekanenunakikuni matari meri Secretaría Ejecutiva, miki yamekanitiyuakuni xika naiti 'aixi reuti'aneneni. Secretaría Ejecutiva 'auxiwi tukaari kanexeyakamiki naime xapate miti'ixarieni, xika naiti xapate muyuku'iwawa 'aye'akaní ya tini xika xewiti xapa heuyeweti 'ayani, 'iiki mekaniyakakuni niuki memanu ni'ani ke'áne tewi xapateya mikaraye'axé, hekía niuki kananu ni'ayariemiki xapa ni'ariwaametá tatsari tepatsie.

'Aritikuru 6

Ke pauka teítéri xapate memanutini'axia miti'ixariyanitsie, kaneuyunamiki tepia xapate mayehutsie, ya titi ri tawari xapate hehekware manutini'áni mikayiwexaxiani.

Xíka paí pekara'eriwati xapa kanaimime pe'anutini'ani, Secretaría Ejecutiva kaniyanemiki niuki metsiye'atirieni xapa ni'awaametá paí memetahawéti kename tixai reuyeweti ra tia, 'iiki ta pemiwata'eiya huuta tukaari kanuyeyiwekaku, xika paí pekatiuyurieni, tawari huutarieka niuki xapa ni'awaametá pekanani'ayariemiki, yaxekía tsiere huuta tukaari pekanitipiniyariemi pemiwata'eiyaki, xikari yapekatikayaani, paí katini'utiyamiki kename 'axapate naime pakaraye'atia.

Xíka xeniu xapa 'aixi 'aneme pekayetuani, internet hetsie kaneuyuyepiemiki xapa ni'awame, maana pekanenutini'amiki ke 'áneme xapa hekwame pemitawawiyarieni.

'Aritikuru 7

Teítéri ke'ane memayuka'utiaxiani memakineki Texaxataamete distritales ya tini Texaxataamete municipales 'iitsikáte wahawiyatsie mekaniyawaweni Sistema tsie memeuta hakeni, xikatsiri 'iiki xapa 'inierika 'uyutatuani.

Teítéri ke 'áne memayuka'utiani waxapa kanikuwiyamiki xika naiti xapate karaye'arika, ya tini xika 'arika meteyetuaxiani, ya xika 'iiki xapa 'inierika tsie mira'iwauriwa yamekatekakiné, ya pitá tsiere xika xapate xaitsie meukuhurietikiné, hekía tati 'iiki Sistema tsie xekía kanayehuni xapate.

'Aritikuru 8

Hekía tiita maariya miraniniereni, kani'axemiki xekía niuki ni'awaametá, tatsari 'iiki 'iitsikame Sistema mikimaiwa hetsie.

'Aritikuru 9

Ke memitetetewa teítéri memayuka'utiaxia mekanihetiatsiekuni internet hetsie 'iiki 'iitsikame pinieyatsie, yaxekía tsiere kanihikarimiki kememitati 'uuximayatarime metá ke memitakumaté.



Kapiituru haika

Xapate miyukixeiñeni metá manuní'arieni.

'Aritikuru 10

Kepauka ri teitéri wa'utiarika wamiye 'atikine, yunaiti teitéri yuxapa niutiwaame memuyetuaxia metá tsiere ke 'áne naime memitaye'atixia mekanitiwewiyariemiki waxapa tepiatsepaiti, maana ta wa xapate kananu ni'ariemiki Consejo General paiti, tsiere kananu ni'ariemiki Consejos Distritales wahetsia xika tsi texaxataamete municipales 'litsikáte wahawiyatsie memakine meyu'unirieka.

Kapiituru nauka

Xapate ni'ariya miyuti'ixiarieni

'Aritikuru 11

Texaxataamete 'litsikáte wahawiyatsie memitetetewa memaye'utika Consejo General hetsie, yaxekia tsiere Consejos distritales memitetetewa, miki mekaniyakakuni xapate muyuyetua memiti'ixiarieni, ketsi hekia mitiku'aitani Secretaría Ejecutiva, 'iki'i xapate kaniti'ixiariyamiki tepiatsepaiti tatsiari sistema tsie; Secretaría Ejecutiva ya tini Secretaría del Consejo Distrital mekaniyakakuni xapa memitawewieni yu naiti teitéri me'aka 'uti ke me 'áneti naime xapate memikataye'atixia, maana pai mekateni'utikuni tiita tiwareuyehiati ratia, yaxekia tsiere wa folio memaka'utiani ke 'áne teitéri memikixiriya, tatsiari ke 'áne memikateyeweyani.

Kapiituru 'auxiwi

Xapa teitéri me'aka 'úti miyutawewieni ke 'áne 'aixi memeuti'anene

'Aritikuru 12

Ke paika ri teitéri waxapate naiti miti'ixiariyaani, Consejerías Electorales del Consejo General ya tini Consejos Distritales mekaniyakakuni xapa memihexiatá me'aka'uti ke me 'áneti teitéri tinaime mitiku'iwauriwa memitaye'atia, yatitiri miki teitéri mekaniyeweyakakuni, tatsiari maniere memiti 'iwawiyarieni metá xika me yiwaweiini 'iki 'uximayatsika tsie. Ke memitetetewa 'iki teitéri memiyeweyani mekananuti ni'ariemiki internet tsie, tatsiari 'iitsikame sistema tsie, yamemita 'ériwaniki kename 'akuxi me'ie weiyani.

Kapiituru 'ataxewi

Teitéri memiwatixeiya metá memiwati'iwawiyá

'Aritikuru 13



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.



33 4445 8450

www.iepcjalisco.org.mx

Hiiikita teitéri memayuka'utiaxia metá tinaime xapate memitaye 'atia 'eena 'iiki xapa 'inierika tsie m'reyemie, mekaniti 'iwawiyariemiki kememite'u 'uximayatatika, yatini xika 'aku 'iiki 'uximayatsika muyuyexata meyiawaweni, yatini xika 'aixi wahapaitsita rekunanakeni. 'Iiki 'iwaureka maxaxatsiwa tepatsie mekatenanuyehuukuni, tatsari memahiawariexani ti tewakame tsie Teams.

'Aritikuru 14

Valoración curricular titewati kaniyuwewiemiki yu xexuime teitéri wahetsie mieme, maana mekanitixeyariemiki ke memitati 'uuximayatarime hikia m'reukayune, 'ayumieme 'iiki xapa meripaitsie mekanenuti ni'ani tepia tsie.

'Aritikuru 15

Teitéri memiyu'uitiatiwe mekaniti 'iwawiyariemiki pa meteku'eriwati kename teitéri yeme 'aixi memeuti'anene wahamatia meteta'uuximayata, tatsari makine Texaxataamete Distritales 'litsikate wahawiyatsie ya tni Texaxataamete Municipales 'litsikate wahawiyatsie, 'iiki te 'uximayatamete mekaniwaranuyehapamiki 'aritikuru 22 ke mayetaineni hetsiena mekaniereti. 'Iitsikame Sistema ya tsie mitiyaneni yamititaniukieni kepa 'iwaureka metewewieni, meta tsiere kepaika tuukaari tsie, ya tni ke'u paikakaku mepi yika.

'Aritikuru 16

Teitéri wa'iwaureka mayutinetianitsie xapa mekaniwata huritimiki titewakame Cédula de Valoración curricular y de entrevista, tatsari kename ri peuti'iawiyarie.

'Aritikuru 17

Haikati kanitixuawerimiki teitéri memite'uximaya me yu wawaikati me'aye'utikaiti, miki memiyaka teitéri yu'uitiwaamete memiwati'iawiya, maana yu huutati Consejerías Electorales memaye'utika mekaniyakakuni 'iwaureka memiwewieni. Xika 'iawiwurika matinenitsie, yu xewiti xekia Consejería Electoral ti'uximayatame 'ayeweni, miki tsiekere tanierakaku tewi kaniti 'iwawiyariemiki.

Hekia teitéri yu'uitiwaamete memiti 'iwawiyarienitsie mekateneuteterekamiki xetitewiyari 'inariyari yu xexuime wahetsia.

'Aritikuru 18

Teitéri memiyu'uitiatiwe memiti 'iwawiyarienitsie hekia 'auxiwi 'inariyari heuyewekaku ri 'aixi mekaneuti'anenemiki, yu'uitiwaamete memiyaka link tsie mekaneuta haxiakuni sistema tsie me'i xeyame, hekia 'iiki 'iwaureka kanayutinetiamiki tepia m'ranayeneikatsie titewakame Teams.

'Aritikuru 19



Xíka teitéri yu'uitiwaaméte kepauka memutakwewiyaxiakai memiti 'iwawiyarienikí yamekatekakíné, mekananayexiriyakini, tatsíari memiteyeweyani memíkapitíarieni ri, yatitíri Texaxataamete Distritales 'litsíkáte wahíawiyatsie ya Texaxataamete Municipales 'litsíkáte wahíawiyatsie memakíné mekayíwawetí ri menayexíriekuni.

Turuya 20

Xíkari yu naime teitéri memiyu'uitiatíwe mewarutí'iwawiya, híikíta maniere 'iitsíkáme sistema ya tsie memíwaranuti n'ani kemetetétewatí teitéri memíkíxiriyaxí, tatsíari wahepaitsita wamítíuye'atíkí.

Kapiituru 'atahuuta

Teitéri naime memítaye'atía metá memuta naki'eriwaxí

Turayari 21

'Eena ri 'imatírieka temauyeyía te'uuximayatamete temíwawautíwe, temítakumate ri keme'ánenetí teitéri naime mítiku 'íwauriwa memítaye'atía, maana kanieretí Tixaxataame píretsirente míyaneni xapa yuxewiriyariékame míyetuani, maana me'aka 'utí me yu xeitéwiyari teitéri ke me'ánenetí memakíne Texaxataamete distritales 'iitsíkáte wahíawiyatsie, yaxeikíá tsiere ke me 'ánenetí teitéri memakíne Texaxataamete municipales 'iitsíkáte wahíawiyatsie híikí makamietsie 'litsíkáte híawiyari Mayaní yíxiya 2023–2024 wiyari, xexuime munitsipiyu ma xaxatsiwa tsie, tatsíari; Guadalajara, San Pedro Tlaquepaque, Tlajomulco de Zúñiga, Tonalá y Zapopan.

Yaxeikíá tsiere, Consejerías Electorales del Consejo Distrital memiyíaka xíka híipame teitéri memíyuti'uitía 'així metewaruxeíya, memíwaranuyexata xeimieme memítixeyariénikí, mípai 'aku kwitíwa memaka 'utsiyaani memakínekí Texaxataamete Municipales 'litsíkáte wahíawiyatsie.

Ke me 'ánenetí teitéri memanuyexatsieni memakínekí texaxataamete distritales yatíni municipales, mekanitixeyariémíkí 'ukári 'ukítsi yaxeikíá mete'íníarití, tatsíari kename 'ukári metá 'ukitsi yaxeikíá meyupapaímetí me'aye 'utíkaaní, yaxeikíá tsiere xapa mítikatsie mekanieretí memita xewiriyá, tatsíari 'aritikuru 1 mayemietsíe Mekiku Kwieyaritsie mieme Xapa Ti'aítaame Yuxewí.

Yaxeikíá tsiere, paí katinanuyíneni kemame hakewa mieme 'uuximayatsika memayuka 'utíaxí, maana meketeutetíkani, tatsíari kename 'aku mekiekatakaari, ke 'éne xeikíá Guadalajara 'aurie kiekari ma manetíka memíkíekatakaari, míkí tsepa hakewa memíteta 'uximayataxí, tatsíari munitsipiyu temíxatatíka El Salto, Guadalajara, Ixtlahuacán de los Membrillos, Juanacatlán, Zapopan, San Pedro Tlaquepaque, Tlajomulco de Zúñiga, Tonalá metá Zapotlanejo²; yaxeikíá

² <https://periodicooficial.jalisco.gob.mx/sites/periodicooficial.jalisco.gob.mx/files/08-22-15-v.pdf>



tsiere Autlán kiekariyaari 'aurie kiekári memanetika, tatsiari munitsipiyuute Autlán de Navarro, El Grullo metá El limón; ³'imatirieká ri kiekari ta tsuutia 'aurie memanetika, yatitiri makika munitsipiyuute Gómez Farías, Zapotiltic metá tsiere Zapotlán el Grande⁴.

Xika xeime munitsipuyu tsie teitéri memiteta 'uximayata mekaye'axeni, mekaniwarahapaxiamiki ke 'áne hurawa munitsipiyu memanetikaaní, ya tini xika tsiere huurawa munitsipiyu memanetikatsie me'u maaweni teitéri memiteta 'uximayata, naime Kariitsiku kwieyáritsie memayuka 'utiaxia mekaniwara hapaxiakuni, tsepa tewa paiti memuteetika.

'Aritikuru 22

Niuki miyinini maana ya mitinake ke pai metehapanieni texaxataamete distritales metá municipales 'iitsikáte wahawiyatsie, ya'ane payukumaika kename 'eena miraka'uxa hetsie reuyutaxeeyati tiyaneni:

- 'Ukári 'ukítsi yaxeikia meteku'iníariti.
- 'Etsitariyu miiireti yeyari payuyexeya
- Kiekataari yukiekaripatsie mepiteparewie waniuki pi'enierie
- Heitserie kiekaripa yumaiyáki 'aixi tihekíati
- Tiyu'uuximaya yunaiti waniuki mayu'eniwaniki.
- 'iitsikate hawiyaritsie rayukumaiti.
- Yaxeikia metexeyarieti, nanaimarika yuwapati

Ya'ananeti niuki muyutixá matiarimeki, miki ya pireyuti'enietieyika kename:

- a) 'Ukári 'ukítsi yaxeikia meteku'iníariti pixata kename yaxeikia meyupapaitikaiti 'ukári metá 'ukítsi meteparewieni tetiatameki pi reku'iníatsietí kename 'uuximayátsiya naimimeki 'iyaaritsieka yunaiti yaxeikia heitserie memitehexeyani mipai tiyu'iwiyati 'aixi xeyarika tsiere yunaiti meyiwawe memiyuti'iníata memiteparewieni yukiekaripa, mipai nanaimarika kayuyeweyati 'apita 'anuyukanuitiwani parekumeki mikaraku'ane 'ukítsi wahixie 'ukári kiekaripa ti'uuximayatsikatsie Mekiku kwieyaritsie.

³ <https://periodicooficial.jalisco.gob.mx/sites/periodicooficial.jalisco.gob.mx/files/10-09-14-iii.pdf>

⁴ https://periodicooficial.jalisco.gob.mx/sites/periodicooficial.jalisco.gob.mx/files/10-09-14-iv_.pdf



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.



33 4445 8450

www.iepcjalisco.org.mx

- b) M̐ireti yeiyari payuyexeiya p̐reyuti'enieriik̐itiyeika kename yarayu'eriwa yutsata 'aneneti yeiyari m̐iyuwaikatiwe 'axeik̐ia kiekaripa 'etsitaru.
- c) Kiekataari yukiekaripats̐e mep̐teparewie waniuki p̐'enierie p̐reyuti'enieriik̐itiyeika, m̐ireti niuki 'iyaaritarika muxuawe, tsiere kename xei yeiyari xeiik̐ia ka'uyuweiya, kiekataari ke mem̐teyuxeiya ke mem̐te'uyuxeriwa m̐ireti haniere, maana yuwaireti kiekaripa hipa ya tiyu'uuximaya niuki haniere kiekari ke m̐reuyuyehiwa hets̐e mieme.
- d) Heitserie kiekaripa yumaiy̐ki 'aix̐ tihek̐ati p̐reyuti'enieriik̐itiyeika hipati teit̐eri waik̐awa memahelik̐ia 'aix̐ mem̐tehuki mem̐te'akumateki yu'uuximayatsikats̐e, tita mem̐te'ayexeiya hets̐e, matsi tawari waik̐awame maiy̐a mewaut̐iweti, pareku meyuwenati ya metekahuti m̐ipa yukiekari metepareweti.
- e) Tiyu'uuximaya yunait̐ waniuki mayu'eniwaniki, m̐itiuyehane ke m̐iraku'ane kiekataari metehetimait̐ik̐ati, metemait̐iweti, metekuxatati ya mep̐tekahu yukiekaripa 'aix̐ mete'akuyuruwati, pareku 'iyaarimeki mem̐tekuteniki naime Mekiku kwieyarits̐e, yu'etsitaru hets̐e, yukiekaripa yuk̐imana meteti'eniet̐ik̐ati niuki mekakunamiyarieti, yuheitserie meyetuiriyarieti 'iyaaritarikats̐e, tuminits̐e, yeiyari met̐a nai tukaaripa tiyu'uuximayati yunait̐ kiekataari mem̐iyiweniki memutiniuni, yaxeiik̐ia meteheuhapanati, me'iwiarieti, metetauniarieti.
- f) M̐irita 'iits̐ikate h̐awiyarits̐e rayukumait̐i, p̐ixata 'iits̐ik̐ate waxapa ti'aitaame makumaika, hep̐ina p̐ixata 'aix̐ m̐itikamieni, 'apa̐ta tsiere rati'uuximayatar̐meti waik̐a rakumait̐i yiwet̐i mita'erien met̐a mitawena 'iits̐ikate wah̐awiyarika, m̐iki ts̐i yuxait̐ame 'aix̐ heuti'aneti tsiere ta yiwet̐i hipame m̐iwarutin̐i.
- g) Yaxek̐ia metexeyarieti, nanaimarika yuwapati, reuyutanaketi ke mayetaine 'aritikuru 1Mekiku Kwieyarits̐e mieme Xapa Ti'aitaame Yuxew̐i maana p̐i mayetaine kename tiyukunama naime nanaimarika yukumamateti m̐iyuwewie, xeiik̐a ts̐iri xewiti ke m̐irekuyeyariniki, m̐'uk̐iki m̐'uk̐iki ya ke m̐itititaki, tewiya 'aix̐ m̐ikarekuwereki, ya tsepa ke m̐'aneki m̐nanaimarieka, ya 'aimieme xeime m̐itikunamirieka, heitserieya menukap̐inirieni, 'aix̐ m̐itiyemieni ka'ipit̐ati; h̐rix̐ia ya p̐ti'aneni reyuti'eniet̐iyeikati kename 'axeik̐ia m̐ireti yeiyari 'uyuweiya, 'ayukatetiati ke mayetaine derechos humanos ya pit̐ikahurit̐i nait̐sarie 'etsitaru, tiyutaxeyati tiyu'iwiati ke m̐itiyukupiine teit̐eri teemari 'imarixi wahets̐e mieme, teit̐eri wat̐ewi 'aix̐ m̐ikarekuweere wahets̐e mieme,



teitéri LGBTTTIQ+ memite'awiya metá teitéri mat'ari kiekataari wahetsíe mieme, maana ri ta 'ipai p'reyuti'enietiyani:

- Tewi teemaiki ya 'imari pixatsiwa ke mi'ane mihika 18 wiyari kayuati m' ta 'utiniereti 35 wiyari, 'ana tukaaripa mitiyutivotarowanitsíe.
- Tewi tewieya 'aixi mikarekuweere pixatsiwa tsepa ke'aneti xika tewiyatsíe tixaiti reuyeweka ya 'aixi kareyukuweritiaka, ya paiti tiunuiwame ya 'erikeke yikimaana, miki tsi mixatsiwa xika 'aixi katiyuyuitaweni, pareku ka'utewini, naimimeki katimaiweni ya kati'iaaritaweni, pareku kareu'enani, kareuniereni ya katimateni, miki ta ri xika kayiweni tukaaripa kiekaritsíe manuyeikatsíe 'aixi mitiwaikaneni, heiyemek⁵, 'eena miraka'uxa rexeiyani:
 - Kaheu'enati: 'aixi ya matsi kaheu'enati yunakata paiti taitana ya heriena 'akuwietikaikaku, ya 'aimie hipame wahamatia mitikuxatani kayiweti;
 - Katimaiweti ka'iaaritaweti: muu'u taita paiti 'aixi kareyirati. Ya pituyiwe xika yiriti 'utinuiwa ya tsepa ke rawietikaikaku peri xika kayiweni ke mitiyurienikayu ya mitikayani hipame wahetsia yu'iwaama, wa mitiuyehane, yu'etsikwera mexika yu'uuximayatsita.
 - Tikuyeti yumuu'uta taita: miki pixata xika taitanapaiti ramu'uuta tixaiti tata ya 'ume yiki reyini;
 - Kaheuniereti: 'aixi kareuniereti, hipati 'etsiwa memeuneniere mepixatsiwa xika 20/200 kayeikani ya matsi hetiana paiti, miki tsiri nanuyine 20° (veinte grados) hetia;
 - 'Aixi kareuniereti: kaheuniereti 'ayame 'utaxitekieme warita, 'etsiwa meuniereni
 - Yumuu'uta tikuyeti: miki pakuwietika xika 'aixi katiyu'iwiyani, hipame wahamatia 'aixi katiyu'iyamati, 'it'iani pitikwinimani yu'iwama wahetsia, yu'etsikwera ya yu'uuximayatsikata.
- Teitéri LGBTTTIQ+ memitehawiya: teitéri yuhepai metetitamexiti me memiwaheiw'erie memiwa'iaarita tsiere mepixatsiwa yuhepai metetitamexiti me ya tsepa ke tititame memiwaheiw'erie. Tsire, ke hate ya memiteku'iaari, pai pepite'uxaxata, pai pepitehekutei tukaaripa tatsari ke metetitamexiti memutinunuiwaxi m' pai ri mepiteheikuweiya.

⁵ Norma Oficial Mexicana NOM-173-SSA1_1998 para la atención integral a personas con discapacidad. Comisión Nacional de Derechos Humanos, consultable en: [NOM_173_SSA1_1998.pdf \(cndh.org.mx\)](https://www.cndh.org.mx/NOM_173_SSA1_1998.pdf)



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.



33 4445 8450

www.iepcjalisco.org.mx

- Ke mititita (sexo) panuyine mutinuiwatsie miyuhekia yupiinite hetsie xika 'ukitini ya 'ukatini ya 'anukuhutani; miki ta ya reku'iyariti (género) panuyine ke mitiyukuhaweni, ke mitiuka'iyari ya kename ke tiyukihawenikeyu ya mutaine xei yeyari xekia manuyuyeka, maana tsiere ri peuyutiniitia mete'uyumareti mexuawe lesbianas, gays, bisexuales, transgénero, transexuales, travesti, intersexuales, queer metá no binarias.
- Tewi matari kiekame pixatsiwa tewi ke mi'ane xeimetsie kiekaripa muuka yueiyari hexeyati, metá miki yunuiwari ya yunierika mayenieritia.

Teitéri memayuka'itiani memitehawiyatika memite'uka'eniwa, tukaari miwatimetsie memiwinanaimariexime, xika miki xewiti tewi timiiremetsie rawiyani, tatsari xika matari kiekametini tsiere teitéri yuhepai metetitamexitime waheiwe'erieka, miki pi'iniatsieni tixeyuxewimetsie, ya pitiyinini xika yu'iniataneni matari kiekame miyianeki ya LGBTTTIQ+ mirawiyaki. Hepaina, yuri mirayaniki tewi yukimana miyuta'utirieni miyupairitiani, yuri ya mitayini xika memite'uka'eniwa wa'iwatini ya katixai ya tenaanaimariecate, formato ke'aneme Instituto mihuritanitsie pitiyurieneni.

'Aritikuru 23.

Memitihawarieni Texaxataamete Distritales

1. Texaxataamete distritales memanuka'uní yaxeikia mete'iniariti 'ukári 'ukitsi

- a) Xexuiti texaxataamete distritales manuyu'uitiatyani 'ukári 'ukitsi ya xekia mepiyipapaimeni, miki panuyine, xexuiti miti'uixiani texaxataamete distrital 50% hura me'uti'axeti mepi'ukaritini. 'Aixi reyukunakitsititi, hipati texaxataamete distritales mepinixiani yuhaikati 'ukitsi metá yunaukati 'ukári, hipame hetsie ri ta yuhaikati 'ukári metá yunaukati 'ukitsi, naitiri 20 distritos mekani'inarikakuni 70 'ukári 'apaia 70 'ukitsi.
- c) 20 piresirentsiya miyuti'uitiani, tsikere, hixiata me'ati mepi'ukaritini.



2. Heitseriemekî ke mîtiyupinî

- a) Ya katiniyupimîkî, tsikere xexuime tixaxataame distrital hetsîe xewitî temaikî ya 'îmaritî kanayewemîkî.
- b) Ya katiniyupimîkî, tsikere yuhaikati teitêri memîka'aye'atîka hipametsîe tixaxataame distrital hetsîe mekanaye'utîkaikuni.
- b) Ya katiniyupimîkî, tsikere xewitî tewi rawiyakamekî LGBTTTIQ+ xeimetsîe distrito kaneuye'îarimîkî
- c) Ya katiniyupimîkî, tsikere xewitî tewi matîari kiekame kanayewemîkî distrito 1 ya distrito 18 hetsîe.
- d) Heitserieme kiekaripa tirîkaîyemekî 'aixî tihekîati

'Aritikuru 24.

Memîtihiawarieni texaxataamete municipales

1. Texaxataamete distritales memanuka'unî yaxeikîa mete'inîariti 'ukâri 'ukîtsi

- a) Xexuitî texaxataamete municipales manuyu'uitîatiyani 'ukâri 'ukîtsi ya xeikîa mepîyîpapaimeni, mîikî panuyîne, xexuitî mîti'uixîani texaxataamete distrital 50% hura me'uti'axeti mepî'ukâritîni.
- b) Pîretsirentsiya mîyuti'uitîani texaxataamete municipales kwie kemîreu'atîkani hetsîe, maana xexuitî Texaxataamete Distrital mîwatîhiawe, tsikere hixîapa me'inîariti mepî'ukâritîni.

2. Heitseriemekî ke mîtiyupinî

- a) Ya katiniyupimîkî, tsikere xexuimetsîe tixaxataame municipal xewitî temaikî ya 'îmaritî kanayewemîkî.



b) Ya katiniyupimikí, tsikere xewití tewi memíka'aye'atíka rawiyakame metá tsikere xeime tewi rawiyakamekí LGBTTTIQ+ mekananuyehapaniekuni memínitíarienikí hipametsíe texaxataamete municipales miku'uitíatíatsíe xexuití distrito electoral, 'iikí panuyíne kename, yuxexuití Texaxataamete Distrital mepitixeyaxíani ke paí Texaxataamete municipales memí'íwiyatíka maana hipametsíe mepíwatíhíawixíani 'iikí kiekataari memaxaxatsiwa.

c) Ya katiniyupimikí, yuxexuití teitéri matíari kiekataari mekaneyehatíarienkuni hakewa 5 munitsipiyutsie memíiretí matíari kiekataari memetamaka⁶.

'Aritikuru 25

Memítíhíawarieni texaxataamete municipales hakewa huutatí ya matsi reuyetana paímetí distrito electoral mítí'uka míkítsie xeikíá títí municipio.

1. Texaxataamete municipales memanuka'uní yaxeikíá mete'iníarítí 'ukári 'ukítsi

a) Xexuití texaxataamete municipales manuyu'uitíatíyani 'ukári 'ukítsi ya xeikíá mepíyípapáimeni, míkí panuyíne, xexuití mítí'uixíani texaxataamete municipales 50% hura me'utí'axetí mepí'ukáritíni.

b) Kepatí pírětsirentsiya mítí'uuní, maana hixíata me'iníarítí mepí'ukáritíni.

2. Heitseriemekí ke mítíyupiní

a) Ya katiniyupimikí, tsikere xexuime tixaxataame municipal hetsíe xewití temaikí ya 'ímarítí kanayewemíkí.

3. Memanuyehapanieni teitéri memíka'aye'atíka, teitéri matíari kiekataari metá teitéri LGBTTTIQ+ memítehawiya.

a) Ya katiniyupimikí memanuyehapanieni tsikere xewití tewi memíka'aye'atíka

⁶ Bolaños, Cuautitlán de García Barragán, Mezquitic, Tuxpan y Zapotitlán de Vadillo.



rawiyakamekí, xewití tewi matíari kiekame metá xewití tewi LGBTTTIQ+ rawiyatí, ya hate memínitíarienikí 'aixíwiti texaxataamete municipales mití'uukatsíe xei municipio kwieyaritsíe títí mĩiretí distrito electoral mití'u.

'Aritikuru 26

Xíkari tukaari yíxiyáte paíritíarikapa 'anutiyayu xapate ka'u'axíani teiréri ke me'aneneti memeuyehíya waxapate kímana heitseriekí mitiyupiní, waritana miyíni órgano superior de dirección ya Tixaxataame Distritales mĩiki ya mepítexewiríya teitéri waxapate ke'aneneti manuyuhuri metetixexeyatí, tsepa tsíri mĩkarayuye'atía kename heitseriekí ke tiyupiní.

'Aritikuru 27

Memanuyehapanieni texaxataamete distritales metá municipales 'iitsíkáte wahíawiyatsie mĩiki yapítinake heyuxeyakaku tsikere, 'aixíwi wavotos texaxataamete memaye'u Naimetsíe Tixaxataame (Consejo General) ya Tixaxataame Distrital (Consejo Distrital), kenatsí mitínakeni.

'Aritikuru 28

Teitéri yu'iníníataamete memanuyehapanie texaxataamete distritales metá municipales 'iitsíkáte wahíawiyatsíe memakínekí mĩiki ya mepítetahíawarieni Sistema hetsíe, tatsíri mĩ paí mĩreku'uxá 'aritikuru 8 hetsíe 'iiki xapa ní'arikáte mekaxeyíya, ya hate yuri yuxapate mepíyetuaxíani ke paí tukaari memítipiniyarienitsíe metexeyatí.

Xíka yuri xapate katiyuyetuani ke paí mĩreikukwewie Sistema hetsíe metá ke paí tukaari mĩyutipí mexíkatíni naití mĩtiyuku'iwawa karayuye'atíani texaxataamete distrital ya municipal 'iitsíkáte wahíawiyatsie mĩkenikí, ya títíri píkatanakí'eriwa, 'itímana tixaxataame wáritana makuwekai 'uuyeripana píhíyani.

'Aritikuru 29

Ke'aneti tewi manuyehíyakai xíka mĩiki ka'utanakí'eriwa, tixaxataame píretsirente ya pítikayani hekwamekí xeime mĩyexata titixeyame kemí'ane naimetsíe yíxiyáte manutimakí.

Kapituru 'atahaika
Xapa ní'ari nĩtsame



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.



33 4445 8450

www.iepcjalisco.org.mx

‘Aritikuru 30

Memiti’uitiarieni texaxataamete municipales ‘iitsikáte wahawiyatsie maana ke hate me’anuyehapanieni tiyukaniereti memaka’uxa ‘aritikuru 22 hetsié, waritana pñhekiatsieni pita’iwawiyarieni Consejo Distrital Electoral miweni, rayuye’atiwati ke mireku’inari naiti ‘iiki xapa ni’ari mirayexeiya.

‘Aritikuru 31

Meuyunanitsié ‘inierika memanuyehapanieniki texaxataamete municipales ‘itsikáte wahawiyatsie, miiki ‘itimana Secretaría Ejecutiva miyaneni Sistema hetsié meheutahaxani piwapitiani texaxataamete distritales ‘iitsikáte wahawiyatsie kimana Consejo Distrital ke ‘aneti hetsiena mititanake, miiki naime xapa miranuyuhuri mititi’ixarieni tatsiari tiwapini teitéri memiyi’iniatatiwe memakineki texaxataamete municipales ‘iitsikáte wahawiyatsie.

Ke paíti muyutipí tukaari, memiyu’iniatatiwe waxapate miyuti’ixarieniki miiki waritana mititiyaneni 24 horas yu’iniatati Consejo Distrital Electoral ke’aneti hetsiena mititanake, miiki pitietuirieni Secretaría Ejecutiva, xapa hetsié me’aka’uti ke memitetetewa naimimeki wa folios heutinitikaiti tatsiari kehate memiyu’iniatatiwe waxapate miraye’atika, miiki ri mi’itiarieneni piyuhekiata portal oficial internet hetsié.

Ya xeikía tsiere, Consejo Distrital Electoral ke’aneti hetsiena mititanakeni, miiki ‘aheutitewameki piyetuierieni Secretaría Ejecutiva, xapa raye’itiakame ke pauka tsiere ke ‘upaukakaku piyutiwewieni ‘iwaunitarika, miiki tsiere piyuhekiata portal oficial internet hetsié.

‘Aritikuru 32

Xika xewiti hekiapa ‘apai ‘iitsikáte hawiyari kiyari muku’utikata yuxapate tiyetserani yu’itiamiti, miiki paí pititahawarieni kename Sistema hetsié tatsiari internet-tsie xeikía mayuka’itiani yiwe.

‘Aritikuru 33

Xapate formatos mayuxaxata ‘aritikuru 3 tsiere 16 miiki peuyutiwitia ‘iiki xapa niuki ni’ari ke paí mitiyupiini hetsié, naiti raye’ati mitiyuhekiataniki.



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.



33 4445 8450

www.iepcjalisco.org.mx

‘Aritikuru 34

Mikatiyukwewie miranutineika mikaraka’uxa ‘iiki xapa ni’ari mirayexeyatsié miki mi ‘aiki pirakayuruwani Naimetsié Tixaxataame (Consejo General), ke mitiyuruwaame hetsié yukanieritiati.

YA M+TIMIE

Y+XA+TAME. Hiiki miy+hekiata niuki ni’ari ke pai mitiyupiini mirayexeya payukateti ani kiekaripa pitanaki’eriwa niuki yatixewiriyayu Naimetsié Tixaxataame mirawiya ‘litsikáte hiawiyari metá Kiekátaari Teparewiwaamete Karitsikutaari Kiyari



Parque de las Estrellas 2764, Col. Jardines del Bosque
C.P. 44520 Guadalajara, Jalisco, México.

33 4445 8450

www.iepcjalisco.org.mx